



Broj: 20-11-2-799-I

Datum: 29.05.2023. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14 i 59/22), i preporuke Komisije za provođenje otvorenih postupaka nabavke u 2023. godinu, direktor Federalne uprave policije po ovlaštenju Vlade FBiH, d o n o s i :

ODLUKU

o poništenju postupka Javne nabavke servera za LOT-1

1. Poništava se postupak javne nabavke servera za LOT-1, iz razloga što je pristigla ponuda za ugovorni organ neprihvatljiva.
2. Ova odluka objavit će se na web stranici Federalne uprave policije www.fup.gov.ba u skladu sa članom 70. Stav (6) Zakona o javnim nabavkama ("Službeni glasnik BiH", broj: 39/14 i 59/22).
3. Ova odluka stupa na snagu danom donošenja
4. Za izvršenje Odluke zadužuje se Sektor za materijalno- finansijske poslove.

OBRAZLOŽENJE

Federalna uprava policije je provela otvoreni postupak Javna nabavka forenzičke opreme i servera, po Obavještenju o javnoj nabavci broj: 1412-1-1-66-3-39/23 objavljeno u Službenom glasniku BiH broj: 26/23 od 14.04.2023. godine, i ispravka obavještenja o nabavci broj 1412-1-1-66-8-40/23 od 14.04.2023. godine objavljeno u Službenom glasniku BiH broj: 26/23 od 14.04.2023. godine

Komisija za provođenje otvorenih postupaka nabavke za 2023. godinu, imenovana Rješenjem zamjenika direktora Federalne uprave policije broj: 09-19/1-30-2-26 od 04.01.2023. godine je utvrdila da je u zakonu predviđenom roku za javnu nabavku za LOT 1 (Nabavka servera) pristigla jedna ponuda i to Ponuda ponuđača Godimerc d.o.o. Sarajevo broj: 2804A-23 od 28.04.2023. godine sa ukupnom cijenom u iznosu od 6.650,00 KM bez PDV-a, koja je u skladu sa procijenjenom vrijednosti nabavke koja iznosi 6.650,42 KM bez PDV-a.

Komisija je u svom radu utvrdila da je navedena ponuda ponuđača Godimerc d.o.o. Sarajevo formalno-pravno ispravna, te je obzirom na specifičnost nabavke od Centra za forenzička ispitivanja, vještačenja i istraživanja zatražila stručno mišljenje da li dostavljena tehnička specifikacija iz navedene ponude ponuđača Godimerc d.o.o. Sarajevo ispunjava uslove tražene tenderskom dokumentacijom za istu nabavku.

Centar za forenzička ispitivanja, vještačenja i istraživanja je aktom broj: 09-18-11-2-799 od 19.05. 2023.godine, Komisiji dostavio stručno mišljenje prema kojem navedena ponuda ponuđača Godimerc d.o.o. Sarajevo ne ispunjava uslove tražene tenderskom dokumentacijom za LOT – 1 (Nabavka servera) jer je u dijelu tehničkih karakteristika koje su tražene tenderskom dokumentacijom navedena nabavka min. 1 procesor Intel Xeon E-2300 sa min. 8 core-ova, dok je u tom dijelu tehničkih karakteristika koje nudi ponuđač Godimerc d.o.o. Sarajevo ponudio procesor Intel Xenon E-2276 G 6C, iz čega proizilazi da je tražen procesor serije E-2300 sa minimalno osam jezgri, a ponuđen procesor serije E-2200 sa šest jezgri.

Komisija je uvažila navedeno stručno mišljenje Centra za forenzička ispitivanja, vještačenja i istraživanja, te navedenu ponudu ponuđača Godimerc d.o.o. Sarajevo za LOT – 1 (Nabavka servera) ocijenila neprihvatljivom i u skladu sa članom 69., stav 2. tačka d) Zakona o javnim nabavkama BiH, predložila da se poništi postupak navedene nabavke, što je konstatovala u Zapisniku o pregledu i ocjeni ponuda od 09.05., 17.05. i 29.05.2023.godine.

Razmatrajući prijedlog Komisije, direktor Federalne uprave policije po ovlaštenju Vlade FBiH donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.


DIREKTOR—
(po ovlaštenju Vlade FBiH)
GLAVNI INSPEKTOR
Vahidin Munjić

Dostaviti:

- Sektor za mat. fin. poslove
- ponuđačima
- u spis